

FRIARGIU SINNIESU

In d'una di de su mesi prus bascau
 chi spuntendi su Soli in Codoleddu
 sens'e bistiri, mandad unu fasciu
 de raius di oru a dogna casteddu:
 s'aria su fumu no sulad a pendi
 e dormid in paxi dogna coromaddu;
 Su puradori a Flumu Sili andendi
 in sa sedda si girad a mirai
 sa punt'a susu chi fatt'ha sudendi.
 Ma is ogna non podint terrai
 de su scenariu ch'in d'unu mengianu
 de friargiu su sartu scid domai
 in su puntu prus altu de su pranu
 chi dominad intera sa distesa
 finas a mari da su Campidanu.
 Che giovunedda de rara belleza
 chi andad sposa mudad'e candori
 apparid sa campagna Sinniesa:
 milionis de mindulas in florie-biancu-sa-terra
 de biancu sa terra hat'ammantau
 che niada de manus de spessori;
 In mesu a tanti biancori s'abitau
 fumiendi parid'essi unu masoni
 candu su monti e totu carrixau;
 inis terras obertas sa idazzoni
 velluttada de birdi e una speranza
 po chini bivi e aralud'e marroni.
 Totu e calma e, solu in lontananza
 de is tallus ammamendi in su cuili
 sa famigosa s'intendid allamansa.
 E su meseiu innis'in Plan'e Sili
 in cussu limpiu e pasidu mengianu
 narad friargiu prus bellu e di aprili:
 custu mesi po nosu e su beranu
 parid sa terra tot'unu frageri
 chi promittid su beni a larga manu.
 Si benghessid a innoi su furisteri
 chi sa Sardiya pintad cinixada
 iad a mudai tintas e paperi
 sa terra nostra tenet'amorada.

Marreri

SU MESSAIU BURCEESU

Candu po s'erba terrad in s'attongiù s'albori
su burceesu partid po suterrai su lori
chi prazziù cun is dentis, poita à mellus arau
su frigu oppuru s'orgiu, di essiri mandigau.
Cun totu sa famiglia e animalis impari,
cument'e candu is Morus bessianta de su mari.
E lompiu a su merboni, po tratenni s'araxi
si prantad unu stazzu cun frascas de ;æuraxi;
pustis ponnid in motà is ainas pasiadas
sperendi chi su sori non d'infundad de badas.
Pesad chizzi po ponni pala a su giuxeddu
e candu stampad aria zerriad su matucheddu;
si sterrint sa brenti a pan'i orgiu tostau,
giungid is bois e arad finas a soli intrau.
Pesad puru sa sposa, s'allattad su pippiu,
prazziù su pani a is fillas e currid a s'arriu
po s'acqua chi abbisongiad a coi fà manna a lissu;
lassad a totus solus e currid aud'est'issu;
innì marrad e turad su lori arrutu in foras
torrad po attendi is fillus dogna parigh'i oras.
Solu a su merì stuaè in terra su marroni
po preparai sa xena de langiu minestroni.
E finzamenti dormint in cussa barrachedda
tätus a una foxina che sirbonis de xedda.
Aici passad sa vida su messaiu montraxiu
famighendi po podi preni una di su scraxiu;
ma medas annus tristus ghetlad s'argiola a dusu
e insandu s'abbisongiu nò tenni finì prusu;
bramad de tenni finì cussa vida beffada
po gosai in s'atru mundu sa gioia innoi negada.
Bengad a innoi e provid custu bivir'e cani
chini sez'e sudori pappad moddi su pani,
poita solu addu liggi non podid mai crei
dogna di deppid cantà a su messai"e Burcei.

=====
.....
FRUTTU PROIBIU

In sa matta follosa pendi pendi
passen'accanta dogna di ti biu
fruttu deliziosu, e de u sidu
mancu sa manu nò ti pozzu tendi.

Tutu su pagu chi tengu ema a ispendi
po ti tenni una di in su prattu miu
ma su destinu nieddu ha proibiu
poberu a mei de ti podi bendi.

Sbudias aici passant is dis mias
finas a candu tindi segad unu
chi forzis mancu disiggiau t'ha mai.

Disingannau insandu app'a circai
in ateru frageri; ma nisciunu
m'had'a podi che tui mov'is salias.

=====